

**AWIG AWIG DESA ADAT
MENANGA**

DESA MENANGA KECAMATAN RENDANG



KABUPATEN DATI. II KARANGASEM

PIDAGING AWIG-AWIG DESA ADAT MENANGA.

1. MURDA WAKYA
2. WETUNING DESA ADAT MENANGA
3. PIDAGING MAKA BANTANG AWIG-AWIG DESA MENANGA
4. DAGING AWIG-AWIG DESA ADAT MENANGA

MURDHA WAKYA
=====

OM AWIGNAM ASTU :

Pukulun Paduka Bhatara dumadak titiang Kerama Desa Adat Menanga tan katiban baya muah kasongkalan. Sangkaning rumasa kalih mangrasa dahat titiang Kerama Desa Adat Menanga, riantuk sidaning kauripan titiang sareng sami, sekala niskala saking pasuëcan Ida Sang Hyang Widhi Wasa kalih paduka Bhatara-Bhatari sane malingga ring Pura Kahyangan Desa Adat Menanga. Swecan paduka Bhatara nenten naen tuna, sekadi kawentenan toyan segaranné nenten naen masat. Agung loba pinunas titiang kedik sida antuk titiang ngarupayang baktin titiang ring Paduka Bhatara merupa manah bakti, aturan lan peayah laksana.

Maunteng saking acep pengesti dereda bakti matwang, majeng ring jeng Paduka Bhatara sané malingga ring Kahyangan Desa Adat Menanga, titiang Kerama Desa Adat Menanga, sagilik saguluk, selunglung sebayantaka sadya pacang negen nyuun bakti maka dasar mapayah ayahan buat nyanggra nyungsung nguyu-uyu Paduka Bhatara sami sane malingga ring Kahyangan Desa Adat Menanga.

Mejalaran idep teresna asih kumasih setata ngestiang se kalih ngemargiang sapidabdab saha ngukuhang keanutan, keadungan, kedegdegan lan karumaketan, kagulukan pasikepanné, maka sidaning pengaptin titiang sareng sami ngupadiang memangguh sadya sekala niskala.

Maka sidaning sida sekadi pengacep pengastiné kadi ring ajeng, sané merupa nyungkemin ayah-ayah sanghyang Agama, asti ti bakti ring Paduka Bhatara Sang Hyang Widhi Wasa kalih Bhatara sané ngelingga ring Kahyangan Desa Adat Menanga bakti ring kawitan mejalaran antuk sangkaning suci nirmala ngalanturang Agama lan Adate sané kawerisang saking nguni, maka jalaran sida sagilik saguluk ngertiang rahayu ring jagaté, molihang kanirmalan, kadegdegang pakayun, kaadungan lan kerahayuan sekala niskala, mewastu karinci tur kemanggehang muah kasungkemin awig-awig Desa Adat Menanga puniki sane dados uger uger cita pangancan ring jeroning pengestiné lan pemargine ne ngupadiang kerahayuan sekala niskala.

Dumadak paduka Bhatara sane malingga ring Kahyangan Desa Adat Menanga sweca tedun ngakoi kalih ngalinggamin tur mapica masupati ring awig-awig Desa Adat Menanga puniki, sane patut - katinutin, kalih kasungkomin antuk Kerama Desa Adat Menanga sa reng sami saha kaenterang antuk prejurun Desane sareng sami.

Sang sapa sira ugi ngawit saking mangkin rawuh kapungkur wekas tan tinut ngerug ngawinang rusck pakertan awiga-awig Desa Adat Menanga puniki, mangde kapidande antuk paduka Bhatara tan memanggih kerahajengan manut acubhakarma.

Om sidir astu tat astu ostir pariastu ya namah swaha.

=====

WETUNING DESA ADAT MENANGA.
=====

- Mungguing kewentenang Desa Adat Menanga mungguh sekadi ring sor :

Desa Adat Menanga wyaktin ipun kantun meyusa wimada (- manggala Yuana), ritatkala punika kogenahin olih andel-andel ke kerajaan Karangasem sane jagi ngabih wewidangan sane wawu kerebut saking krajaan Nyalian. Seantukan Desa Adat Menanga sedurung kerebut kegamel antuk kerajaan Nyalian, tur durung mewasta Desa Adat Menanga, raris duk punika mewasta Desa Adat Galiran. Cihnan ipun ngantos mangkin tanah sane megenah ring dangin Fura Fuseh Desa puniki mewasta tanah Galiran.

Ritatkala ngerembe wewidangan Desa puniki para prajuru miwah ikrama sane wenten sejroning desa Galiran puniki mirengang gatra (orti), santukan Desa Galiran jagi malih kerebut saking kerajaan Nyalian. Santukan merti jagi malih kerebut raris ikrama sane wenten ring Desa Galiran mekarya jebag(benteng), ring penepi kelod merupa sekadi jlinjing saking penepi kangin ngantos penepi kauh desa. Tios ringpunika taler ketandurin antuk gesing lanngantos mangkin gedung punika wenton cihnanne.

Taler ring penepi kaler kdagingin pagedan gesing sane kewatanin jebag, kantos rauh mangkin bates pelemahan kaler kewatanin jebag. Seantukan batas penepi sami sampun kuat seluiring meseh sane jagi ngerebut meresidayang ngaonang. Seantukan meseh sampun meresidayang kekaonang prajuru miwah ikrama raris sami mesyahak tur mebaos : menang, menang, menang, wit punika ngantos mangkin mepesengan Menanga.



PIDAGING
MAKA BANTANG AWIG-AWIG
DESA ADAT MENANGA

- SARGA I. ARAN LAN WEWIDANGAN DESA.
- SARGA II. PETITIS LAN PAMIKUKUH.
- SARGA III. SUKERTA TATA PAKRAMAN.
- Palet 1 Indik Krama
 - Palet 2 Indik Dulun Desa (Prajuru)
 - Palet 3 Indik Kulkul
 - Palet 4 Indik Paruman
 - Palet 5 Indik Druwen Desa
 - Palet 6 Sukerta Pamitegep
- Kaping 1 Karang, Tegal lan carik
 - Kaping 2 Kekayonan
 - Kaping 3 Wewangunan
 - Kaping 4 Wewalungan
 - Kaping 5 Bhaya
 - Kaping 6 Penyanggran Banjar
- SARGA IV. SUKERTA TATA AGAMA
- Palet 1 Indik Dewa Yadnya
 - Palet 2 Indik Resi Yadnya
 - Palet 3 Indik Pitra Yadnya
 - Palet 4 Indik Manusa Yadnya
 - Palet 5 Indik Bhuta Yadnya
- SARGA V. SUKERTA TATA PAWONGAN
- Palet 1 Indik Pawiwahan
 - Palet 2 Indik Nyapian
 - Palet 3 Indik Sentana
 - Palet 4 Indik Warisan
 - Palet 5 Indik Keluarga Berencana, Transmigrasi,
Lingkungan Hidup, miwah wajib belajar
- SARGA VI. WICARA LAN DEDOSAN
- Palet 1 Indik Wicara
 - Palet 2 Indik Dedosan
- SARGA VII. NGUWAH-NGUWAHIN AWIG-AWIG
- SARGA VIII. P E M U P U T

(1)

S A R G A I

ARAN LAN WEWIDANGAN DESA

Pawos 1.

- (1) Desa Adat puniki mewasta Desa Adat Menanga.
- (2) Wates wewidangan Desa Adat nyatur :
 1. Penunggu kaler : Banjar Buyan, lan Desa Tempatan.
 2. Sisi Kangin : Tukad Telaga Waja.
 3. Penunggu Kelod : Desa Rendang.
 4. Sisi Kauh : Tukad Jinah.
- (3) Desa puniki kewangun antuk 110 karang ayahan Desa, turmaning kepah dados 2 (kalih) Banjar, ring 6 tempek.
 - a. Banjar Menanga Kangin.
 - b. Banjar Menanga Kawan.
- (4) a. Banjar Menanga Kangin dados 4 tempek punika,
 1. Tempek Pande.
 2. Tempek Tengah.
 3. Tempek Baler Banjar.
 4. Tempek Baler Jebag.b. Banjar Menanga Kawan dados 2 tempek punika,
 1. Tempek Delod Setra.
 2. Tempek Baler Setra.
- (5) Banjar Adat kesanggra antuk Teruna-Teruni.
- (6) Teruna-Teruni inucap keenterangantuk awig-awig Teruna-Teruni tan dados lempas ring awig-awig Desa Adat utawi Banjar.

S A R G A II

PETITIS LAN PEMIKUKUH.

Pawos 2.

Desa Adat Menanga memagehang pemikukuh minkadi :

1. Pancasila.
2. U.U.D. 1945 pemekas mungguh ring Pasal II aturan Peralihan.
3. Tri Hita Karana manut sada cara Agama Hindu.

Pawos 3.

Luir petitis lan pemikukuh Desa Adat Menanga :

1. Mikukuh miwah ngerajegang Sang Hiang Widhi.
2. Ngutamayang tataprawerti Agama.
3. Ngerajegang kasukertan Desa saha pawongannya sekala muah niskala.

S A R G A III
SUKERTA TATA PAKRAMAN

Palet 1

Indik Krama

Pawos 4

- (1) Sane kabawos Krama Desa Adat inggih punika kulawarga sane megama Hindu megenah sejobag wewidangan Desa Adat Menanga kepalih malih tigang pawos.
- (2) Pepalihan inucap pilah (1) paos puniki inggih punika :
 - a. Krama Desa Ngarep maakeh 110 diri ;
 - b. Krama Desa Banjar ;
 - c. Krama Desa Tamiu.

Pawos 5

- Krama Desa wenten 3 (tiga) pawos, manut ring paos 4 pilah (2)
- (1) Krama Ngarep, kulawarga sane ngamong karang Desa miwah tanah ayahan Desa akehipun wantah 110 kuren ;
 - (2) Krama Banjar, kulawarga sane jumeneg magenah ring wewengkon-Desa Adat Menanga tur ngeranjing mekerama Banjar sinalih ... tunggil kadi mungguh pawos 1 pilah 3 ;
 - (3) Krama Desa Tamiu kadi menggah ring paos 4 pilah 2 aksara c - inggih punika kulawarga saking t^{os} Desa gumanti ngerereh karya magenah ring wawengkon Desa Adat Menanga punapike mejalaran dados prajuru Pemerintah, utawa sane ngerereh karya Sasan.

Pawos 6

Kawit dados Krama Desa :

- (1) Sangkaning ngamong karang desa utawi tanah ayahan Desa.
- (2) Mawiwit pawiwahan tur ngeranjing mebebanjaran kadi mungguh - ring paos 5 pilah (2) sareng pilah (3).

Pawos 7

- (1) Indik ayahan nyada. :
 - a. Krama sane sinanggih ngada nenten kekeninin ayah-ayahan - sane merupa pakaryan.
 - b. Sane nyada tegesipun ketapuk ayahan nyane, antuk warisnye ne, -sane patut dados petajuh.
 - c. Sane nenten wenten petajuh, ayahan nyane ketapuk antuk 1 krama Desa.
- (2). Indik wusan mekrama Desa Adat miwah Banjar :

- a. Sinalih tunggil yening wenten Krama Desa Adat miwah Banjar kedadosan wusan me Krama, kemawon yening sampun wenten - jalaran sane nyidayang ketrima antuk Ikrama sami, maka miwah polih pamutus saking pasamuhan agung.
 - b. Yening wenten Ikrama wusan mekrama Desa Adat miwah Banjar nenten madrebe hak pereduwean.
- (3) a. Indik Tetapukan :
- Para Sulinggih.
 - Para Prajuru.
 - Para Pemangku.
 - Kepala Desa miwah Sekretaris Desa Pemerintahan.
- b. Pemargin Tetapukan ring ajeng wantah ring ayah kemaon.
- c. Krama Desa miwah Banjar sane kebadelan, ketapuk ayah-ayah an nyane kemanggehan keni pengaji (pawilangan pengerga).

Pawos 8

Indik Krama Desa :

- (1) Kawentenan Krama Desa Adat miwah Banjar, mina kadi sami Krama Desa wiyadin para dura Desa sampun magenah netep tigang sasih.
- (2) Sane patut kekeninin awig-awig Adat sampun bulangkep.
- (3) Duwen Desa Adat kadruwenan olih Desa Adat, duwen Krama Banjar kadruwenan olih Krama Banjar.
- (4) Ikrama Desa Adat /Banjar ritatkala pacang ngawentenan pewangunan kekeninin prabea nganut kadi penelas witadin usaha siosan.
- (5) Ikrama Desa Adat ngamong Pura Desa, Ikrama Banjar ngamong Pura Dalem lan Pura Melanting.
- (6) Ikrama Banjar patut ngawedalang patus ritatkala wenten atiwa-tiwa.
- (7) Ikrama Desa Adat/Banjar patut ngemargian miwah nyanggra ke treptian jagat.
- (8) Ikrama Desa Adat/Banjar patut memelihara wawidangan Desa.

Pawos 9

Krama Desa kedadosang :

- (1) Mapuangkit utawi tan teann :
 - a. Ritatkala mapawangun, ngeraabin, meyadnya, nandur (memulih) metepetin kelungaan, lan sane siyosan manut pelugran Ke lihan Desa.
 - b. Folih galah wentah apisan, sejawaning wenten pelugran Kelihan Iesa.
- (2) Nyada, mapiteges ngerarianang ayah, sane marupa pekryan utawi sane sampun

- sane sampun lingsir, sungkan-sungkanan palugran Keliang Desa
- (3) Sane nyada tegesipun ketapak ayahan nyane antuk sang patut -
ngewaris sane nyandang dados petajuh.
 - (4) Sane sampun tinglas nenten medruwe petajuh ayahan nyane keta-
pak olih Ikrama Desa marep.

Iawos 10

Wusan dados Krama Desa, luire :

- (1) sangkaning :
 - a. Pinunas ngrage, menawi kesah kedura Desa utawi ngelangkung
ing segara ;
 - b. Kenorayang, duaning sampung nenten manut pamutus Krama Ma-
murug kekecap awig-awig.
- (2) Sang wusan mekrama :
 - a. Patut ngaturang karang ayahan ke Desa.
 - b. Tan polih pah-pahan sakaning padruweyan Desa sejawaning -
pah-pahan padruwen ring tempek manut perarem.

Iawos 11

- (1) Prajuru Desa Inggih punika :
 - a. Kliang Desa.
 - b. Penyrikan maka juru surat.
 - c. Juru raksa sane midabdabin druwen Desa.
 - d. Palima pinaka kanti Kliyan Desa akehnyane wantah kalih diri.
- (2) Prajuru Desa kekantinin saya arah.
- (3) Ring Banjar taler Prajuru Banjar.

Iawos 12

- (1) Prajuru Desa utawi Banjar melarapan pemilihan sangking sura -
murti manut piilih perarem Desa.
- (2) Suara murti yang sami rauh memilih kalih pahtiga saking Krama
wenang mamilih ~~turxmolihah~~ suara langkung esiki saking apah -
kalihan Krama sane tedun memilih.
- (3) Yening lempas ring inuocap pilah kalih paos puniki presida pe-
rarem punika nenten kangge.
- (4) Yening perarem punika prajuru Desa kantor ping kalih nenten -
mersidayang muputan pemilihan persida Prajuru sane sampun wen-
ten kemanggehan malih.
- (5) Prajuru sane kawusanan saking pegentosan dados malih kapilih.

Palet 2

Prajuru Desa (Prajuru) Pawos 13.

- (1) Desa kaenter antuk Keliang Desa.
- (2) Banjar utawi Tempekan kaenter antuk Keliang Banjar/Tempekan.
- (3) Prajuru Desa/Keliang Banjar patut :
 - a. Mawuwit saking krama marep.
 - b. Keadegang melarapan antuk pemilihan olih paruman nyabran 5 (lima) warsa, sejawaning wenten indik sics utawi meduwe kesisipan.
 - c. Maduluran dewa saksi ring Tura Bale Agung.
- (4) Saya akeh nia manut kawigunan ipun saha magilir nyabran sasih.
- (5) Sajeroning ngenterang kasukekertan niskala Keliang Desa ming-singgihang Pemangku Kahyangan Desa.

Pawos 14

- (1) Darmaning Keliang Desa luire : ✓
 1. Ngenterang pelaksanaan krama rauhing warga Desa ngupadi antuk petitis.
 2. Nuntun tur ngenterang krama rauhing warga Desa ngupadi antuk patitis.
 3. Mawosin kalih niwakang pemutus arep ring wicara warga Desa.
 4. Maka duta Desa matemuang baos ring sapa sira ugi.
- (2) Prajuru iwang pengelaksana keni pamidana nikel ring keuangan soang-soang krama saha kangkat kerarianang manut perarem.

Pawos 15

Petuas utawi olih-olihan prajuru Desa :

- (1) Luput rerepon (pepeson).
- (2) Polih tanding tegal, upon-upon :
 - a. Tanah laba Tura Ida Betara ring Puseh :
 - Bukti Pemangku Puseh.
 - Bukti Pemangku Tura Dalem.
 - Prajuru Desa Adat.
 - Prajuru Banjar Adat.
 - b. Akeh kedik patas manut perarem lan pasuara.
- (3) Petias siosan manut perarem.

Pawos 16

- (1) Prajuru Desa kegentosin riantuka :
 1. Seda.
 2. Kenorayang duaning iwang pemargi menawi nilar sesana.
 3. Wit saking pikayun rahayu utawi pinunas ngeraga.
- (2) Ngenorayang utawi agentosin prajuru patut sejroning paruman krama Desa.

Palet 3
Indik Kulkul
Pawos 17

- (1) Indik pasuaran gendongan (kulkul).
Suaran gendongan (kulkul) masuara ngandutin Tribrata Sandi :
Dharma, Sima, Laksana, pasuka dukaan Desa Adat Menanga :
- a. Dharma : Gendongan (kulkul) masuara ngandutin upacara /upakara Agama.
 - b. Sima : Gendongan (kulkul) masuara nganutin deresta sane kemanggehahang.
 - c. Laksana : Gendongan (kulkul) masuara nganutin sewatek pakaryan sane kelaksanayang antuk Desa.
- (2) Suaran gendongan (kulkul) soang-soang indik punika :
- a. Masuara banban nganutin pasamuan wiadin pekaryan.
 - b. Mesuara ngoncang atuludan lampah, cihna wenten bulan/surya kepangan, upacara Agama.
 - c. Masuara bulus kalih tuludan, cihna wenten kekeni baya, jiwa baya, arta baya/kependungan, nura cara mush panca baya siosan.
 - d. Masuara bulus tigang tuludan, cihna wenten amuk/yuda.
 - e. Masuara tiga-tiga ping lima jagi mendem ke setra.
 - f. Masuara lima-lima ping tiga P K K.
 - g. Masuara lima-lima ping lima Sekeha Teruna-Teruni.
 - h. Masuara papat ping lima cihna wenten merabian.
- Gendongan (kulkul) inucap tan wenang ketepek olih yan ten sangkaning pituduh prajuru, sejabaning wenten cihna ke panca baya.

Pawos 18

Kulkul Desa utawi Banjar tan wenang ketepek yening tan sangkaning patuduh prajuru Desa, sejawaning tetengger kepanca bayan, yening nepek tan sangkaning pituduh patut digelis atur supeksa pabuat paneke, yan tan mangkane wenang sang mamurug kedanda manut perarem. Kulkul sekeha-sekeha semaliha kulkul pondok-pondokan tan kalugra nyawerin (matehin) sukat utawi tenggeran kulkul Desa /Banjar parade mamurug taler kedanda manut perareman.

Palet 4
Indik Laruman
Pawos 19

- (1) Satanggih Keliang Desa/Keliang Banjar pacang ngawentenang re rembayan ring ikrama Desa/Banjar, wantah prajuru Desa/Keliang Banjar nyepolang bawosan ring pengemong Tempek, raris mepe ngarah ring ikrama Desa/Banjar sami sedinaning ngawentenang pesangkepan ageng wiadin pekaryan.
- (2). Ritatkala ngawentenang pasangkepan kadulurin antuk upacara banten cane.
- (3)

- (3) Satunggil pesangkepan Desa Adat ageng ring rahina Anggarkasih.
- (4) Pesamuan Desa Adat Menanga kawentenang asasih pisan minakadi:
 - a. Pesamuan Banjar Menanga Kangin kelaksanayang ring Buda Wage.
 - b. Pesamuan Banjar Menanga Kawan kelaksanayang ring Buda Keliwon.
 - c. Ugi wenten raris indik-indik sane patut kerembayang malih olih Desa Adat miwah Banjar, pesamuan kelaksanayang dedadakan.
- (5) Paruman utawi sangkepan Desa utawi Banjar madodonan kadi ring sor :
 - a. Para sida lumaksana risampun ketedunin antuk sang patut ngemiletin kemanggala antuk tengeran kulkul abusana nyelem pot, saha tan kalugra makta gegawan sekeluire.
 - b. Tan maren ngarcana ring Ida Begawan lenyarikan maka sarana widi widana cane.
 - c. Maka sedana janggi, pengawit kelaksanayang penyacak kasepan saha riwusan nyacak sang keni dosa agung alit manut perarem.
 - d. Tan kalugra ngewetuaken suara gora utawi biota, yan wenten asapunika patut pami danda pecamil kadi danda nguman-nguman ring saba.
 - e. Pamutus bebawos briuk sepanggul (ingkup) manut kepatutang punika kemanggehang.
- (6) Irade pidaging paruman tan keingkupin mangda prajuru ngilikang bebawos, saha putusan mangda keraremin jantos ping tiga Keliang Desa wenang nunas ring sang ngawewenang.

Pawos 20

- (1) Sejroning paruman Desa, Keliang Desa patut nyiarang pemargin ngenterang Desa, pemokas indik :
 1. Munjuk lungsur pekeraman saha ayah-ayah, suluring arta brana druwe Desa.
 2. Pamutus paruman Desa pariindik usaha Desa kapungkur.
- (2) Pamutus paruman Desa sinanggeh perarem maka pamitegep pemargin awig-awig.

Pawos 21

- (1) Sangkepan prajuru Desa kawenang wantah narincikang pengerenca na usaha Desa kapungkur.
- (2) Sangkepan prajuru Desa tan kawenang ngawedalang tategenan ring krama sedereng keingkupin antuk krama Desa.
- (3) Pamutus sangkepan prajuru Desa ngawentenang pasuara, maka pidaging pituduh sang ngawenang utawi ngerauhang daging perareman krama Desa.

Palet 5
Indik Deruwe Desa
Pawos 22

Padruwen Desa Adat Menanga sekadi ring sor :

- (1) Kahyangan Desa luire :
 1. Kahyangan Tiga.
 2. Pura Melanting.
- (2) Bale Desa Menanga.
- (3) Tanah tegalan ayahan Desa.
- (4) Karang ayahan Desa, munjuk lungsur saking 110 karang ring ajeng.
- (5) Setra.
- (6) Telaba Pura, merupa tegal melinggah ± 6,085 Ha.
- (7) Lelanguan, mekadi tetabuhan lan ilen-ilen padruwen Desa :
 - a. Gong 1 barung.
 - b. Ilen-ilen wali Pura : rejang, pendet, baris muah sane siosan.

Pawos 23

- (1) Keliang Desa wenag ngetangang pamupon laba Pura lan sepenung galan druwe Desa.
- (2) Pikolih lan pamupon nia prabeya piodalan saha wewangunan ring Pura.
- (3) Nyabran pesangkepan Desa, pengamong druwe ngawentenang pari-indik munjuk lungsur ring padruwe ring krama Desa.
- (4) Saha luiring druwen Desa patut wenten ilikitannia.
- (5) Tan kalugra ngadol utawi ngesahang padruwean Desayan tan kesungkemin antuk krama Desa.

Pawos 24

Pikolihan Desa saking :

- a. Olih-olih tanah kubon.
- b. Pecikreman.
- c. Pamidanda.
- d. Dana punia.
- e. Peturunan kerama Desa marep utawi Banjar ritatkala wenten pewangunan ring Desa utawi Paryangan.
- f. Paican sang ngawerat.
- g. Pikolih saking siosan.

- (1). Krama Desa pengamong karang Desa (keni tigasana), patut ngewatesin karang inucap antuk pagedan/turus utawi tembok mangda pekantenannya asri.
- (2). Wates sisi kaler miwah kangin patut kekaryanin antuk sang ngamong karang ayahan inucap, sane mewasta gegaleng keteben tegal carik utawi tanah padruweyanngeraga, sane kapiara batese sisi klod miwah kauh, reh punika mewasta gegaleng keteben.
- (3). Prade kerasayang pagedan/turus inucap ngelikadin, yen pada arsa penyandinge, kengin batese nganggen pinget kowanten ke saksi antuk perejuru Desa utawi pracihna pal saking agraria.
- (4). Prade wenten karang kebebong mangda keutsahayang wenten margi.

Pawos 26

- (1). Sinalih tunggil krama Desa/Banjar ten kalugra :
 1. Ngalah-alah margi, tegal ayahan Desa, karang Desa, lan selantur ipun sejabaning pengarsan sang angawa rat.
 2. Ngalah-alah tanah, tegak kahyangan, setra lan sekancan - tegak sinanggeh suci.
- (2). Prade wenten sekadi ajeng, sang ngelahlah wenang patut ngewaliang tanah inucapsaha keni pamidanda sepatutnya, kadulur-in upakara ring pengelahlah tanah suci.

Kaping 2

K e k a y o n a n

Pawos 27

- (1). Ngawit nandur kekayonan tanem tuwuh patut adepa agung ngajeroang sa king bates, prade jantos ngelintang bates wenang kesepat gantungin.
- (2). Yening wenten tetenduran ngungkulin, semaliha mewastu kekayon ngawetuang baya kapisaga patut kewara antuk paiguman ping ajeng prasidha sang nruwenang wit ngerebah utawi notor
- (3). Prade sampun kewarsa taler ten wenten usaha sang nruwenang wit sang rumasa ketetahang kejerihan wenang mesadok ring keliang, tur risampun keparitatas kalugra ngicalang wit inucap, sakewanten patin kekayonan patut ketawur manut pengelotika sang sane nepasin.
- (4). Sang keni pamidanda penyangaskara saha prabya manut perarem arep ring wewangunan sang kerubuhan, luire :
 1. Sang nruwenang wit sinanggeh mayanin, prade pungkut ngerubuhin wewangunan krama tios .
 2.

(id)

2. Sang notor, manggul utawi ngeretah taru tur ngerubuhin-Krama tios.

Kaping 3

Wewangunan

Lawos 28

- (1). Nyabran kewangun patut :
 1. Mesadok ring kliang Desa, piang ajeng prade wewangunan - nganinin bates .
 2. Ngangge asta bhumi miwah gegulak asta kosala-kosali , sa nistane manut ring patitis niskala, utawi manut panugran sang ngewerat.
 3. Tan nyayubin kapisaga.
- (2). Prade wewangunan jantos nyayubin bilih-bilih temboke ring te lenging bates, risampun kewara tur kesadokang ring kliang De sa, wenang kedanda manut perarem saha tembok inucap kegubar utawi sanistane mangda kekaryanang abangan.

Kaping 4

Wewalungan

Lawos 29

- (1). Sehanan warga Desa sane mamiara wewalungan(bawi risampun me belas, utawi banteng sampun mesaluk tali), patut sayaga me retenin negul/ngelogor mangda tan ngerecakin karang utawi bi anan krama sewos, bilih-bilih jantos ngeranjing ngeletehin - kahyangan.
- (2). Prade wenten wewalungan melumbar utawi ngeleb ngericakin pekarangan/pabyanan krama sewos, risampun kewara kengin keta - ban tur kedanda ngewaliang wit sane rusak saha nawur penebas papiyaran tetabenan, manut pangelotikan kliang Desa.
- (3). Prade jantos ngeletehin genah suci, minckadi pamerajan (Sang ga h kemulan), risampun keparitatas antuk prajuru, wenang sa ng nruwenang kedanda mabuhu agung tebasan-tebasan prayascita durmangala utawi Panca Sata miwah bebek belang kalung prade jantos ngeletehin kahyangan Tiga utawi pura pemaksan.

Kaping 5

Bhaya

Lawos 30

- (1). Parindik bhaya luire :

Geni bhaya, toya baya, arta baya(kependungan), dura cara nga dug-adug ring agama.

2).

2.

(11)

- (2). Sang manggihin kehanan jiwa bhaya, patut nepak kulkul bulus mapitulung anut pawos 17 (2) d.
- (3). Prade ring Desa kehanan jiwa bhaya utawi wenten yukti kantos ngecorang rah patut desane ngaturang Bhuta Yadnya manut a+ gung alit dosa tur sang mayanin katur ring sang ngawewenang,
- (4). Prade wenten jatma memisuh utawi nguman-uman jatma tios, kekaninin pamidanda biya pecamil tebasan prayascita.

Pawos 31

- (1). Sang manggihin kehanan erta bhaya (kemalingan), patut ngul- kul mapitulung anut ring pawos 17 (2) c. utawi sang kemali- ngan atur supeksa ring kliang Desa sane patut ngerahuang ri ng sang angawa rat. Mewuwuh penyangaskara prade wenten jat- ma ngemaling barang sinanggeh suci.
- (2). Sang sapa sira ngeranjingin kubon anak tios patut :
 1. Metengeran suara(mekawukan).
 2. Nyantos sang nruwenang karang rauh utawi mesadok ring pe ngapit pinih tampek, maka buatan pengeranjinge .
 3. Pemedal karangnya kedagingin sawen, makacihna pengarah ri kala suwung.

Kaping 6

Penyanggran Banjar

Pawos 32

Krama Desa rikala ngawentenang karya suka duka, patut kesa- nggu antuk banjar luire :

- (1). Prade ngewangun Pitra Yadnya utawi Manusia Yadnya, manut pi- nunas sang meyadnya.
- (2). Pengerombo utawi karya gotong royong krama jantos ping tiga selangkungan punika patut katuran pengingu.
- (3). Pengingu rikala Pitra Yadnya anut abot dangan Yadnya, prade saking semeng, ngantos wengi katuran pengingu ping kalih.

SARGA IV

(12)

S A R G A IV

SUKERTA TATA AGAMA

Palet 1

Indik Dewa Yadnya

pa qos 33

- (1) Palinggih sewidangan Desa Adat Menanga luire :
- a. Pura Puseh.
 - b. Pura Balem.
 - Pengulun Setra (Praja Pati).
 - c. Betara Mas Melanting.
 - Pelinggih Ida Betara Balem Putra.
 - Pelinggih Ida Betara Ratu Gede, Ida Betara Istri.
 - Pelinggih Perampatan Agung.
 - d. Paibon-Paibon.
- (2) Pujawali soang-soang sekadi ring sor :
- a. Ring Pura Puseh.
 - Anggar kasih perongbakat.
 - Selian ring pujawali kawentenang Pengusaban nuju rahi na Purnamaning Kapat.
 - Ngusaba Dangsil (Tigang masa apisan).
 - Ngusaba Goreng (Tigang masa apisan).
 - Ngusaba Lablab (Tigang masa apisan).
 - Nyungsung ngastiti mangda tetandurane tan kekeninin merana, kemargiang setunggiling ngemasa.
 - Mungkah, Penunas lurga ring ibu pertiwi.
 - Murnama Tilem.
 - b. Ring Pura Balem.
 - Buda Wage Cemeng.
 - Pengusabaan patih makadi ring Pura Puseh.
 - Murnama Tilem.
 - c. Pujawali ring Pura Melanting.
 - Buda Wage Cemeng (Odalan Ratu Mas Melanting).
 - Bude Kliwon pahang odalan Betara :
 1. Betara Balem Putra.
 2. Betara Ratu Gede.
 3. Betara Istri.
 4. Perampatan Agung.
 - d. Pujawali ring Paibon :
 - Kesukserchang ring sane ngamong soang-soang.

pa qos 34

(1) Ring soang pura inucap kawentenang Pemangku.

(2)

- (2) Ngadegang Pemangku nganut kadi :
- a. Nyanjaan utawi masemarang, soang-soang mapiteges mapinu nas ring ajeng penataran widadia kedura Desa menawi - ring balian konteng, lan sepsanggilannya.
 - b. Turunan utawi ngowaris.
 - c. pilihan Kerama Desa.
- (3) Tan kawenang angge Pemangku, luwire :
- a. Cedangga.
 - b. Sang sape sira ugi sane tan kepatuteng anut perarem.
- (4) Prebeya kepenangkuan :
- a. Adiksa Widhi (ngwitenang), kemedalan saha kelaksana - yang antuk sang ngadegang, mek di kerama Desa utawi pe ngempon Pura soang-soang.
 - b. Mapitra Yadnya rinakas prade keluarga Pemangku tan mre sidayang, patut kesungkemin antuk Kerama Desa utawi pe ngemong, sanistane Brahma prayascita wiyadin penyang - grane nganut perarem prade yadnya kelaksanayang antuk wargan sira mangku.

Pawos 35

Swadarman Pemangku luire :

- (1) Ngenterang upacara piodalan ring Kahyangan utawi ring so - ang-soang paibon/pura.
- (2) Tan wenang salab-sulus ring gembe tan patut yan mamurug wenang mangku inucap nyepuhin ring.
- (3) Prade salah sinunggil Pemangku kapisalang utawi cuntaka, ke ngin nyelang Pemangku siosan utawi nuwar sang Sulinggih.
- (4) Semalihe yang sampun Pemangku ngayah tigang rahina ring Pura, kandugi wenten kuleworgan dane kesediaan, mangku inu cap tan keneng cuntaka, sakewanten Pemangku tan budal sa - jroning piodalan.
- (5) Yening pradene Pemangku sane maduwe bayu kedadosang man - tuk patut Pemangku inucap kagentosin payah-ayahan ring Pu ra antuk Pemangku siosan.

pawos 36

Petugas utawi olih-olihan Pemangku, luire :

- (1) Sarin cenang soang-soang pekuuban Kerama Desa keenterang antuk Keliang Desa Adat.
- (2) Upon tanah Laba Pura.
- (3) Laput pekeryan lan kekenin-kenian siosan.

Pawos 37

Pemangku kagentosin riantukan :

- (1) S e d a.
- (2) Pinunas ngeraga, menawi kogerangan lan sepenunggalannya.
- (3) Kausanang antuk Kerama, seantukan melaksana tan patut (as-ta dusta).

Pawos 38

Kasukertan Kahyangan kadi ring sor :

- (1) Tan kalagra ngeranjing ka Pura luire :
 - a. Sang katiban catur cuntaka, mekadi sebel saking ngeraga:
 - Sebel kandel ngeraja swala, selami dereng mebersih.
 - Sebel madruwe putra, selami 42 rahind.
 - Sebel pengantenan, selami dereng mebyakala, miwah cun-taka sangkaning kepademan manut sengker.
 - b. Mante sehana barang sinanggeh ngelechin.
 - c. Sato agung, sejawaning rikala mapepada.
 - d. Mabusana tan manut kadi tata carane ngeranjing ke Pura.
 - e. Sadurung polih uck-ukkan (pituduh) prajuru Desa.
- (2) Pratingkaha tan wenang ring Pura :
 - a. Masumpah (cor), sejawaning pituduh Prajuru Desa.
 - b. Makobetan, masesenengan, makolem dados asiki lanang wa-don, mabacin/mewihara cangsang busana.
 - c. Munggah tedun palinggih, sejawaning pituduh prajuru Dea.
- (3) Sang mamurug kinucap ring ajeng keni pamidanda pamerayasci ta sepatutnya.

Pawos 39

- (1) Yen wenten jatma kerawuhan ring Pura, kongin kepintonin - prade rumase kosuman sayan, yan tan wickti jatma inucap ke sisipang manut pereren.
- (2) Prade Kahyangan kehanan duraangala, minakadi kepancabhaya, Pemangku patut digelis nyadokang ring Kelian. Desa mangde marumang Kerama Desa tur ngawentoning pamerayascita sepa-tutnya.

Palet 2

Indik Resi Yadnya

Pawos 40

- (1) Sejawaning Pemangku, sang pacang madeg Pandita utawi pinan dita minakadi balian sonteng, kubayan, dalang, sakaluiring jagi ngenterang yadnya, patut masadok ring Kelian Desa ka lih Parisada Hindhu Dharma.

(2) Prajuru

- (2) Prajuru Desa patut nitenin tur naweng ngalangi prade wenten kacihnna sasar kekecap miwah drestane, tur sareng - nyakeinin upakara saha nyiarang ring paruman Desa tegap - rawuhing wates kawenangan panjenter yadnya.
- (3) Krama Desa patut ngaturang aych sepenadeg miwah ring pengelepas sang Sulinggih riwaka ketuntun antuk Prajuru Desa.

Pawos 41

- (1) Sang Sulinggih patut n erihinang ngayuding ring wewidangan Desa Adat menangan, sesampun wawu muputan yadnya kedura Desa.
- (2) Krama Desa sami patut sareng ngawas nitenin ketuntun antuk prajuru desa, mangda sahanan yadnya sane kawentenan - kaicen pemuput olih pidanda utawi pinandita manut kewenangannya soang-soang.

Palet 3

Indik Pitra Yadnya

Pawos 42

(1) Kelayu sekar :

- a. Sinalih tunggil yaning wenten warga krama banjar sane seda sane madruwe kepatutang wenang ngerauhang ring Kli an Banjar utawi pelisih dane.
- b. Kelian Banjar utawi pelisih dane wusan nerima laporan patut nyuwarayang kentongan tiga-tiga ping lima.
- c. Banjar patut ngamedalin jinah pasuka dukaan merupa jinah penjaragan beras 25 (salae) satu ring sang kesedayan.
- d. Jinah pasuka dukaan punika patut katiwakang ring sang madruwe kasedayan sane sampun pantes ngangen pepage.
- e. Indik pamargin mendem sawe, tan kadadosang ritatkala kekeran minekadi :
 - Prowani.
 - Purnama.
 - Tilen.
 - Pererainan Kahyangan-Kahyangan Jagat.
 - Semut sedulur.
 - Kala gotongan.
 - Dina kejepit.Kemawon mangda sampunang sawane lintang suwe ring pamanahan dados kakins mang ring setra.
- f. Pamargin selantur nyane mangda nawasta puput manut sinna Desa Adat Penan a saha nunas wara ngraha ring Ida sane meraga Pandita wiadin sane sampun mediksa.

g. Anake

- g. Anake sane sode salah pati, ulah pati, ngodut manik in dik upakaran nyane wenang, nunas wara nugraha ring pandita utawi ring sane sampun maraga pandita wiadin sampun mediksa.
- h. Yening wenten tanyu saking dure desa raris sode ring wewengkon Desa Adat Menanga, keluarga sane saking kependem ring setro druwen Desa Adat Menanga, pinih ajeng patut nawur penanjung batu berupa jindah punggangan beras 40 catu.
- i. Sumentos swo sane keupakare punika durung, berupa puput patut ngelaksanayang pagedayan pasuka dukaan.
- j. Yening wenten jantos prebat rikala pasang muputan upakare sawo punika, sedurung wicara punika puput wenang ikerama banjar nunasang ring sang ngawarat.
- k. Raris sane wawu lekad wiadin raris sane durung meketus, raris sode, ugi sawan nyane kependem premanekin ten dos ine pang.
- l. Kesedayan durung putus wedel, keluarga sane kesedayan kesebelan asasih pitung rahina.

(2) Atiwa-tiwa.

- a. Sane kebawos pangabenan, iugih punika mewasta Pitra Yadhya.
 - Ngagah.
 - Ngeseng sawo.
 - Rauh jantos ngunyt ke sagara wiadin ring tukade.
- b. Dewasa dados ngaben nganutin wara nugraha saking parisada miwah para Sulinggih.
- c. Pengabenan sane keni patas rikala ngawentenang atiwa-tiwa sareng-sareng ring banjar.
- d. Akah patas sane komedalang soang-soang :
 - Beras kalih catu
 - Gesing kekalih.
 - Kereb palpalan lisang papah.
 - Kelapa kalih bungkul.
 - Adeng kalih bungkul.
- e. Indik upacara ngopin polih pasuka dukaan ping tiga sedurung nunas-sang kekaryanin.
- f. Indik matur piuning ring kahyangan Tiga kemargian pitung rahina sedurung pangabenan.
- g. Pidabdab pemargin bade kesetra keanterang antuk kelian Banjar mangda nabdab nenten pesan dados ngerusak bade punika, semalih tah dos ngerusak patulangan, miwah nga rap sawo mangda kemargi dabdab.
- h. Pasuguh sane tiyosan mekadi lanjutan nenten dados ugerger.

Pawos 43

Mungging kecuntakan sekadi ring sor :

- (1) Cuntaka kelayu sekar ring pejagatan, luire :
 - a. Sejeroning durung adesepuh sang maduwe cuntaka kantung kosebela.
 - b. Meswo asasih pitung rahina prado kasedayan ngdut manik.
- (2) Cuntaka Pengabenan ngawit saking ngukul Kerama Banjar te dun nekarya utawi rahina ngoreng jantos rahina pengutangan.
- (3) Tan keneng cuntaka luir :
 - a. Sang sulinggih lan mangku kahyangan tiga.
 - b. Bikala pidalan ristampung ngalang asasih/ngalang tengah.

Pawos 44

- (1) Atiwa-tiwa (pengabenan) kelaksanayang antuk :
 - a. Nyawa Resi (nyunsta geni), sentukan ten ngayah utawi - menawi sawa tan kekeniang.
 - b. Sawa Protoka.
- (2) Panemayan pengabenan wenten kalih pawos :
 - a. Ngaben dadakan/bahbangun, kedadosang sajroning tiga utawi pitung rahina.
 - b. Ngaben ngemasa sajroning tenpekan.
- (3) Dudonan pengabenan ngawit saking ngayah (seda), ngeseng - jantos pengiriman utawi nganyut.

Pawos 45

- (1) Pepatusan pengabenan :

Ngaben ngemasa, luire : beras kalih catu, kelapa kalih bungkul, gesing kalih katih, miwah palpalan limang papah - (manut pinunas sang maduwe yadnya.
- (2) Pangingune ring Kerama Banjar ngawit ngayah anut abot da - ngan kawentenan karya.

palet 4

Indik Manusa Yadnya.

pawos 46

- (1) Manusa yadnya inggih punika upacara-upacara darmaning ma - nusa, ngawit saking patemoning kara petak kelawan kana - bang sajroning garba ngantos kelayu sekar riwekas.
- (2) Upacara-upacara kadi ring ajeng madudonan sekadi ring sor:
 - a. Magedong-gedongan duk pengerempinan ibiang.

b. Duk sang.....

- b. Duk sang kamareka medal.
 - c. Kepus odel.
 - d. Roras rahina.
 - e. Tutug kambuhan(asasih pitung rahina).
 - f. Tigang sasihin.
 - g. Pawetuan/oton/odalan(nem sasih).
 - h. Mepetik rambut mayusa tigang odalan.
 - i. Tutug kelih (ngeraja wedana, ngembakin lanange).
 - j. Metatah/mepandes. ✓
 - k. Pawiwaha. ✓
 - l. Mawinten.
- (3). Upacara-upacara inucap nista, madya, utama, manut sastra agama saha catur dresta, maka buatan desa dresta, ngawinang sima cara "esa Adat Menanga.

Palet 5

Indik Bhuta Yadnya

Pawos 47

- (1). Bhuta Yadnya inggih punika upacara-upacara pabyakala ring - pertiwi lan kahyangan, sarwa prani saha upacara-upacara ring bebhutan.
- (2). Upacara pabyakala ring sarwa prani, luire :
 - 1. Ring sarwa tumuwuh rikala tumpek pengatag(Saniscara Kliwon Wariga).
 - 2. Ring sarwa ingon-ingon rikala tumpek andang(Sa niscara-Kliwon Uye).
 - 3. Upacara pakala-kala manusa anut widuna, kebawos pabyakala.
- (3). Upacara pabyakala ring pertiwi, kahyangan lan bebhuta kewas tanin mecaru.
- (4). Pecaruan inucaping ajeng nista, madya, utama manut wiguna kadi ring sor :

1. Eka Sata.	3. Panca Sanak.
2. Panca Sata.	4. Resi Wana.
5. Tawur Agung.	6. Panca Melud.
- (5). Sejawaning inucap ring ajeng kawentenang upakara :
 - 1. Mejot-jetan utawi yadnya senyabran wusan ngerateng;
 - 2. Mesapuh-sapuh rikala pacang wali ring pura.
 - 3. Mesegh manut genah muah rerainan.

Pawos 48

- (1). Setunggal ngewarsa rikalaning tilem kesanga kawentenang tawur kesanga, ketah bawose ngerupuk, maka cihna pacang mapag rahina penyepian benjangne.
- (2). Upacara

- (2). Upacara penyepian sane kemargiang antuk krama Desa :
 1. Amati Geni, tan kalugra meapi-api.
 2. Amati karya, tan kalugra mekarya.
 3. Amati lelanguan, tan kengin maoneng-onengan, masuara gorra, lan sepenunggal lannya.
- (3). Pabratan inucap kemargiang saking semeng ngantos wengi (Surya), raris kasuarayang kulkul punika maka cihna pengembak.
- (4). Sang amurug kecaping ring ajeng keni pamidanda manut perarem desa.
- (5). Penangluk merana tetep kemargiang tunggil amasa, luire :
 1. Pura Dalem.
 2. Pura Pus-h.
 3. Pempatan Agung, antuk banteng sane nenten cacad.
 4. Pangulun setra antuk banteng sane nenten cacad.

S A R G A V

SUKERTA TATA PAWONGAN

Palet 1

Indik Pawiwahan

Pawos 49

- (1). Pawiwahan inggih punika patemoning purusa predana, melarapan panunggalan kayun sukacita kadulururin upasaksi sekala niskala.
- (2). Pawiwahan sane sah punika yening sampun manut ring upacara agama Hindu.
- (3). Pawiwahan patut polih akta perkawinan ring sang wenang.
- (4). Pemargin pawiwahan luire :
 1. Pepadikan, kemanggala antuk pekraman.
 2. Ngerorod, merangkat riin mawu kepejatiang.
- (5). Pidabdab sang pacang mawiwaha patut :
 1. Sampun manggeh deha - teruna (prasida nganutin undang-undang).
 2. Sangkaning pada rena (tan kepaksa).
 3. Nganut kecaping agama (tan gamia gemana).
 4. Kawisudayang prade pengambilé tios agama miwah kepati wangi.
- (6). Pemargin pawiwahane mangda taler nganutin undang-undang perkawinan saking sang ngawiwenang.

Pawos 50

- (1)..Pewarangan sane kewastanin sah, inggih punika sane sampun maupakara mabyakala, mabyakawon manut pidabdab agama Hindu.

(2). Ring

- (2). Ring sejroning pangerorodan patut ngawentemang pejati ritat kala telebteb mun makta suar.
- (3). Ring sejroning pangerorodan, sane ngerorod wyadin sane nge wakilin patut ngerahuang ring kliang Banjar genah ngerorod.
- (4). Kliang Banjar wyadin peliman danene raris nyewarayang gondongan kalih kelentungan alon jantos patpat ping lima. ✓
- (5). Sane ngerorod wyadin ngedih patut ring pesangidan sejroning tigang rahina nenten dados medal kemargine. ✓
- (6). Yening nenten ngemargiang indike ring ajeng patut kekeninin dosa kalih catu beras.
- (7). Sesampune wus tigang rahina raris mabyakawon patut ngayah - ring Desa Adat manut dresta.

Talet 2

Indik Nyapian

Pawos 51

- (1). Pawiwahan putus melarapan antuk palas merabian utawi kesedayan.
- (2). Wusaa mapikuren riantukan sinalih tunggil seda wyadin palas mapiteges balu, mekadi balu lanang/istri.
- (3). Palas perabian wenten kalih pawos, inggih punika sangkaning padalila miwah mawit wicara.
- (4). Sang ayat palas peperabian patut atur supeksa pailikitan ri in ring sang rumawos (Pengadilan Negeri) wastu galang apadang pematuse kebawos nyapian wawu kliang Desa nyiarang kawentenange ring Desa saha keni penumbas suaran kulkul manut perarem.

Pawos 52

Tatacara palas perabian sangkanin pada lila sekadi ring -
sor :

- (1). Nawur prabya pesaksi sinalih tunggil sami matenge, manut perarem.
- (2). Fegunakayan polih pahan pada.
- (3). Tetadtadan soang-soang kekuasa niri-niri miwah warisan kekuasaan antuk purusa.
- (4). Ngewewehin miwah pengupa jiwa pratisentana manut swadarmaning gura rupaka.
- (5). Nawur pamidanda panumbas kulkul manut perarem.

Pawos 53

Prade riwekas sang palas kecihnan adung malih, patut :

- (1). Nganutin pasuaran undang-undang perkawinan.
- (2). Ngelaksanayang

- (2). Ngelaksanayang kawiwahan malih.
- (3). Dosa nikel saking palase, yadiastun wit palase pecah sangkaning pada lila.

Pawos 54

- (1). Sang balu kebidayang :
 1. Balu luh.
 2. Balu muani kepurusan (wit sentana).
- (2). Swadarmaning balu inucap patut :
 1. Kemanggehang pati brata tan kengin ngemargiang para dar~~at~~ drati krama.
 2. Nguasayang waris pagunakayan, tan dados ngadol, ngadiang makidihang lan siosan punika, sejawaning kebebasang saking pianak utawi kula warga pinih tampek saking kurenannyane prade pyanak kantong elit-alit.
 3. Kengin ngedih sentana prade wenten pidabdab sadurung sinalih tunggil seda, saha kebebasang antuk kula warga sinanggeh kepurusa.
 4. Kawenangang mawiwaha malih, prade wenten kebebasan manut pawos 54 (1) b.

Pawos 55

Balu keucap tan pagoh sekadi ring sor :

- (1). Dreti krama utawi paradara.
- (2). Matilar saking pakubon tan pesadok jantos 6(enam) sasih kawastanin ninggal kedatan.
- (3). "Empas ring swadarma sios-siosan tan prasida ngesehin soleh paprawerti arep ring pituduh kula warga purusa.

Palet 3

Indik Sentana

Pawos 56

- (1). Sentane wenten kalih pawos, sane keucap pratisentana miwah sentana peperasan.
- (2). Pratisentana inggih punika sentana sane metu saking pawiwahane kepatut.
- (3). Prade pawiwahane tan kepatut ngewetueng sentana, mangda tan kantun kewastanin astra tur bebinyat patut kemenggala antuk penyangaskara.
- (4). Prade pawiwahane tan ngawetueng sentana, kenginngedih/nteras sentana antuk upasaksi niskala sekala sane kewastanin sentana peperasan tur kepikukuh antuk pengadilan.

Pawos 57

Pawos 57

- (1). Meras sentana manut dresta pemerasan saha kesaksinin seka - la niskala.
- (2). Sapasira ugi krama pacang meras sentana patut ngerahuang ring kliang Desa paling nenten asasih sedereng pemerasan.
- (3). Kliang Desa ngerahuang ring sawidangan Desa, sang sapasira ugi rumaksa tan lila mangda nyadokang masengker kalih wuku sebanen pemerasan ring kliang Desa.
- (4). Kliang Desa di golis mawosin saha ngicenin pamutus nepak - ring catur Dresta miwah perarem.
- (5). Prade sulur paperasan tan manut ring kecaping ajeng, kliang Desa wenang ngandeg sang pacang memeras, saha ngicenin panuntun mangda kapuputang riin sulur utawi wicara.

Pawos 58

- (1). Peperasan sane kapatut ring Desa Adat risampun maka cihna:
 1. Widi widana pemerasan.
 2. Kesaksinin antuk prajuru sane makelingang utawi ngiliki-tayang atur.
 3. Kekesiarang ring wewidangan desane.
 4. Polih palugran saking pengadilan.
- (2). Sane kapatut angge sentana kadi ring sor :
 1. Megama Hindu.
 2. Pepernahan nedunang saking sang meras.
 3. Kula warga saking purusa, prade tan wenten kengin saking wadon, yening taler tan wenten, wawu kengin sekama-kama (saking kayun).
- (3). Kengin meras sentana langkungan ring adiri, lanang wiadin wadon.

Falet 4

Indik Warisan

Pawos 59

- (1). Warisan inggih punika tetamian arta brana saha ayah-ayah - ngupadi sukerta sekala niskala saking keluhuran arep ring turunan nyane.
- (2). Kang sinanggih warisan luire :
 1. Duwe tengah, mekadi tegal ayahan Desa, kahyangan, pusa-saka siwa kerana, lan selantur ipun.
 2. Pemerajan/kemulan.
 3. Pegunakayan, tadtadan/jiwa dana, hutang piutang.

(3).

- (3). Wawu kengin kebawos warisan prade wenten :
1. Sang mapiturun (pewaris).
 2. Keturunan (ahli waris).
 3. Arta brana miwah tetegenan (ayah-ayah), maka cihna warisan.

Pawos 60

- (1). Ahli waris, luire :
1. Prati sentana purusa.
 2. Sentana peperasan lanang/wadon.
- (2). Prade tan wenten sekadi ajeng, kang sinanggih ahli waris :
1. Turunan purusa pernah ngunggahang, mekadi rerama misan-mindon.
 2. Turunan pura pernah kesamping mekadi keponakan misan mindon.

Pawos 61

Swadarmaning ahli waris patut :

- (1). Nerima saha nguasayang tetamyane babagian saking keluhuran-nyane, mekadi ngerempon sanggah, pura saha pengupakarannyane miwah nyelhididin ayah-ayahan pewaris.
- (2). Ngupakara pewaris saha ngelanturang upakara-upakara pitra.
- (3). Nawurin hutang-hutang pewaris.

Pawos 62

Fedum waris nganut sekadi ring sor :

- (1). Risampun kelaksanayang Pitra Yadnya lan Hutang-hutang pewaris telas ketawur.
- (2). Para ahli waris polih duman pada sangkaning pegunakayan, sejabaning karang/tegal ayahan Desa keamong antuk ahli waris kang sinanggih krama ngarep utawi krama batan peha.
- (3). Sinalih tanggung waris kengin tan polih pahan prade :
 1. Nilar kawitan lan sesananing agama.
 2. Alpaka guru rupaka.
- (4). Boya ahli waris kengin muponin hasil anut dudonan, luire :
 1. Sentana luh, selami dereng kesah mawiwaha utawi alpaka guru, miwah prade maderbe pianak tan keangkenin antuk wong tua rare inucap, kengin ngewaris wantah pikolih(pagunakayan) sentana luh inucap kemawon.
 2. Mulih deha utawi teruna, riantukan ring pawiwahane pecak sampun kebawos ninggal kedaton.
- (5). Pewaris kengin maweweh rikala maurip pinaka jiwa dana, tadadan/bekel, maka cihna paweweh tetep ring pianak sane kesah mawiwaha.

Pawos 63

- (1). Prade sajeroning pakulawargen wenten ahli waris langkungan ring adiri, patut :
 1. Kawentenang paigum indik pedum waris inucap.
 2. Yen tan prasida ketunasang tetimbang ring prajuru(kertha Desa).
 3. Prade taler tan wenten cumpa ring tetepasan kertha Desa kengin ketumusang ring sang rumawos(Pengadilan Negeri)
- (2). Prade jantos karang Desa kepah utawi kesepih , payahan wintah asiki.
- (3). Prade karang inucap keputungan, patut prajuru nibakang ring: Sang sinanggih ahli waris manut pawos 60.

Palet 5

Indik Keluarga Berencana, Transmigrasi,
Lingkungan Hidup miwah Wajib Belajar.

Pawos 64

- (1). Kerama Desa mangde manutin Keluarga Berencana luir ipun :
 1. Kerama Teruna-Teruni wawu kedadosang ngemargiang pawihan yan sane lanang sesampun mayuse 21 warsa, yang sane istri sesampune mewarsa 19 warsa.
 2. Kerama Deaa Bulangkep memanggehang mangde medrebe putra 3 (tiga) diri.
- (2). Kerama Desa sane medrebe putra mayuse 0-5 warsa patut nyarengin program URGK.
- (3). Prade wenten Kerama Desa sang nenten manut ring kewentenan pilah (1)(2) patut ngerauhang ring prajuru Desa tur mebaosin ring perareman Desa.

Pawos 65

- Transmigrasi patut kemargiang nganutin uger-uger pemerintah :
1. Yan wenten Kerama Desa Adat utawi Banjar, minekadi kerama Tamu ngemargiang transmigrasi ke dura Nusa Bali patut idesa ma pitulung manut perarem.
 2. Sang transmigrasi inucap ring ajeng patut supekse ring prajuru.

Pawos 66

- Perindikan lingkungan hidup kemargiang kadi ring sor :
- (1). Nenten kedadosang nyuret, corat-coret wiadin gambar ring pe wangunan umum, pura utawi wewidangan pura ring margi-margi.
 - (2). Nenten kedadosang ngerusak tetaneman/tetanduran, ngrusak lingkungan alam manut kadi uger-uger jagat.
 - (3). Tan kalugra ngangon wiyadin melelumbaran ring margi utawi genah wewangunan sane tan patut angonin wiyadin lelumbaran

(4). Patut.

- (4). Patut miara lingkungan manut ring uger-uger jagat.
- (5). Sang sape sira ugi mamurug pasuara pawos 65 pilah (1), (2) lan (3) keni dosa manut perarem tur ngentosin sane rusak kadi patute.

Pawos 67

Perindikan Kewajiban Belajar :

- (1) Sang sape sira sane wenten ring sejobaga Desa Adat Menanga patut tinut ring uger-uger jagat ngeranjingan oka/putra masekolah.
- (2) Yang wenten mamurug pasuare inucap reraman anake alit utawi wali keni dosa 5 catu beras setunggil diri-diri anake alit ngemasa.
- (3) Sang kengin anggen sentana enut pawos 58 (2) miwah (3).
- (4) Prade taler tan wenten cumpu ring tetapan kerta Desa, kengin ketumusang ring sang rumawos (Pengadilan Negeri).

S A R G A VI
WICARA LAN DEDOSAN

Palet 1

Indik Wicara

Pawos 68

- (1) Sane wenang mawosin mekadi mutusang wicara ring Desa inggih-punika sinanggeh Kerta Desa.
- (2) Prade sang mawicara tan wenten cumpu ring pemutus Kerta Desa, kengin nunasang wicara inucap ring sang Rumawoa (Pengadilan Negeri).

Pawos 69

- (1) Sehanan wicara mawiwit kecorahan sake luwire sinanggeh nungkasin daging awig-awig pasuwara miwah perarem Desa/Banjar, ke liang Desa patut digelis mawosin tan nyantos pesadok.
- (2) Sejaba wicara kadi pilah (1) patut nyantosang pesadok sang nunas bawos.
- (3) Pamepase patut pastika nyantenang iwang patut melarapan Tri Premana (saksi, ilikita, bukti) miwah tan maren nepek ring catur dereste.

Palet 2

Indik Dedosan

Pawos 70

- (1) Desa/Banjar wenang niwakan dedosan ring warga Desa sane sisip.
- (2) Peniwak inucap kelaksanayang olih Keliang Desa/Banjar.

(3) Bacakan

- (3) Babacakan dedosan luire :
1. Ayahan panukun kesisipan.
 2. Danda arta (dosa, dande saha panikel-panikel niya miwah pa nikel-panikel urunan.).
 3. Perampagan.
 4. Kedaut karang ayahan niya.
 5. Kesepekang.
 6. Penyangaskara.
- (4) Dedosan sane ketiwakang patut mesor singgih manut ring kesisi pane.
- (5) Jinah utawi raja brana dedosan ngranjing dados druwe Desa/Ban jar.

Tawos 71

- (1) Kerama sane langkung ring tigang paruman ngelantur tan nawur-urunan miwah dedosan wenang kerampag.
- (2) Perampagan ngangge tatacara kadi ring sor :
1. Kelaksanayang antuk Keliang Desa kesarengin antuk kerama - Desa tigang diri maka saksi.
 2. Sang ngerampag sangkaning darsane ngambil barang utawi nya wenin tanem tuwah, akeh niya manut ring utang sang keram - pag.
 3. Keliang Desa miteketang mangde barang-barang sane kerampag digelis ketebus, masenger awuku ring kutus rahinane pa - cang keadol,
 4. Tan nganinin saluir barang sane patut inggilang manut aga- ma miwah mademang pangupa jiwa sang kerampag.

Tawos 72

- (1) Ferade sang pacang ngerampag ngewara (ngalangin) pelaksana i- nucap mewastu sampun tan nganutin awig-awig Desa, wenang ka- rang Desa sane kagenahin kedaut antuk Desane.
- (2) Semalih yen purun taler ngalangin pelaksana kadi ajeng tan wenten pemargi sejawaning kesepekang antuk Kerama Desane.
- (3) Pamidanda inucaping ajeng keni buntas risampun sang kakeninin:
1. Munas geng pengampura ring Kerama Desa riantikan nguwak pa subaya (perarem) pecak.
 2. Nawur penghargaan penguak pasubayanne duk pacang kerampag - kadulurin perayascita penyaksak keiwanganne ring desa.

S A R G A VII

NGUWAH-NGUWAHIN AWIG-AWIG

Tawos 73

- (1) Nguwah

- (1) Nguwah-nguwahin awig-awig Desa puniki kelaksanayang antuk pa ruman Desa.
- (2) Awig-awig puniki kemargiang ngawit keingkupin (keraremin).

Tawos 74

- (1) Sakeluiring sane wenten sadereng wenten awig-awig patut keanutang ring sedaging awig-awig puniki.
- (2) Sakeluiring sane durung kebawos sajeronong awig-awig puniki-patut kelaksanayang manut tatacara sane sampun ketah memargi kadulurin antuk perarem-perarem lan pasuare.

Tawos 75

- (1) Awig-awig puniki keraremin duk rehina : Buda Pon, Wuku Bala, Purnamaning Kelima, Içaka warsa siya sangangatus lima, ring Pura Tuseh Menanga.
- (2) Awig-awig puniki kelingga tanganin antuk Prajuru Desa kesarengin Klian-klian Banjar saha kesaksinin antuk Klian-Klian - Banjar Dinas miwah Perbekel Menanga.

(3). Luwir sang ngelingga tanganin :

1. Kepertama Dulun Desa Menanga

1). Klian Desa Adat Menanga,

(I W. YAN BEGEG).

2). Klian Banjar Menanga Kawan, 3). Klian Banjar Menanga Kawan,

(I KOMANG SUDI).

(I W. YAN SERIMBEN).

2. Kapung kalih Prajuru Dinas Desa Menanga maka saksi :

1). Klian Dinas Br. Menanga- 2). Klian Dinas Br. Menanga

(I W. YAN SUEHA).

(I GUSTI EN. SARI).

3). Perbekel Desa Menanga,

(I GUSTI KETUT PUTRA).



S A R G A VIII

P E M U P U T

- Indik Awi-awig sane nenten kesurat
- (1). Adat istiadat sane manggeh kantung dados kemargiang ring Desa Adat Menanga, yadi-stu durung kesurat sejroning awig-awig punika, yening adat istiadat inucap nenten metungkas ring awig-awig puniki, utawi ring Undang-Undang Negara.
 - (2). Prade wenten jaga pacang kewewehin utawi ngentosin daging Awig-awig puniki indik punika kesukserahang ring Paruman Ageng Desa Adat Menanga.

))

Awig-awig Desa Adat Menanga diresmikan/disahkan pada -
Tanggal : 19 Desember 1985, Oleh :



Appala Daerah Tingkat II Karangasem,

(Signature)
(I GUSTI NYOMAN YUDANA).